

欽定戶部漕運全書

欽定戶部漕運全書卷十三目錄

兌運事例

淮通例限

同空例限

沿途備借

沿途凍阻

淮通例限

一領運官兌糧開行及期過淮違限

漕捆打三十違限一月者捆打四十革職戴罪

督押俟抵通完糧開復其違限一月以上亦照

違限一月例議處

順治十一年

一漕糧抵通定限山東河南限三月初一日到

通江北限四月初一日到通江南限五月初一

日到通浙江江西湖廣限六月初一日到通各

省糧船到通俱限三個月內完糧逾期以到通

違限論

議單
舊本

一總漕總管各省漕糧專司催餉過淮以後總

河星速饋運如過淮及期而到通遲誤者河漕

二督及沿河鎮道將領州縣等官各照督撫遲

誤過淮例議處

順治十
二年一

一押運廳官過淮抵通違限者照糧道例處分

載在
會典

一領運漕糧到通違限向例不論月日多寡各

罰俸半年康熙十一年題定押運等官違限不

及一月者罰俸三個月一月以上者罰俸六個月二月以上者罰俸一年三月以上者降一級留任

一白糧過淮抵通違限督運各官俱照漕糧違限例議處

康熙十一年

一漕白二糧過淮定例總漕將船糧數目陸續具題每年過淮漕糧總數繕造黃冊另疏題報

康熙三十四年

一漕糧過淮定限江北各州縣限十二月內過

淮江南江寧蘇松等府限正月內過淮浙江江西湖廣限二月內過淮山東河南限正月盡數開行康熙四十一年題准江北江南浙江江西湖廣等省各展淮限一月五十二年江南漕船題復原限過淮五十七年江北江西浙江湖廣題定悉依原限過淮

一漕船過淮違誤定例違限一月以上者督撫應罰俸三個月糧道監兌官罰俸六個月違限二月以上者督撫罰俸六個月糧道監兌官罰

俸一年遲至三月以上者督撫住俸戴罪督催
抵通完糧開復糧道監兌等官各降一級調用
康熙四十一年題准各展限一月照舊例加倍
處分五十一年題准違限二月以上或七十日
者督撫降一級戴罪督催糧完開復糧道監兌
等官各降二級調用違限八九十日者督撫降
一級留任糧道監兌等官各降三級調用五十
七年各省漕船題復原限過淮仍照舊例議處
停其加倍處分

一運官過淮違限例應革職敦罪督押者停其
陞轉俟該運弁領運漕糧全完題請開復後准

其推陞

康熙四
十三年

一部發効力武舉委用交糧事竣坐糧廳勒限
一月到淮考覈如有重運過淮違限革職捆打
之案總漕照例發落題請開復並無別項事故
仍咨回倉場照例咨送兵部准其推用

雍正
元年

一過淮抵通向例各按定限扣算題參雍正六
年題定江南浙江江西湖廣糧船過淮違限已

經議處者於抵通完糧之日將原奏過淮違限日期准其扣除免議道遠省分以九月初十日爲限逾此限不完糧者官弁從重治罪

一廬州衛頭幫向隸江北原限十二月內過淮雍正十一年題准照江寧等幫例於正月以內過淮

一運官過淮違限部議革職之案未經開復不

准議敘加銜

雍正十三年

一定例重運漕船過淮領運千總違限十日監

兌押運等官及督催糧道違限一月均有議處
不及十日一月者免議因乾隆二年冬季淮揚
挑濬運河添建閘壩議將回空趕早一月欲使
重運先期過淮將乾隆二年重運過淮領運千
總違限三日監押督催等官違限十日一概題
叅果能空重趕緊依限過淮抵通加等議敘武
職抵通加銜一次者准加銜二次文職抵通全
完加一級者准加二級回空向無議敘者武職
准加銜一次文職准加一級旗丁依限抵通全

完准作五運前後接算滿二十運者給以九品
頂帶河工完竣悉照舊例遵行又丹陽運河淺
涇題准將蘇浙漕艘照從前原限過淮不照新
例議敘議處其丹陽以北先期過淮者仍准加
等議敘

一倉場奏報大幫抵通日期舛錯部議罰俸一

年

乾隆
二年

一江南等省重運漕船分別遠近例限正二兩
月以內過淮乾隆三年因淮揚一帶挑濬運河

題准將漕船過淮限期以是年正月二十四日
淮河開壩之日起限江北江南幫船限一月內
過淮浙江江西湖廣幫船再限一個月內過淮
一乾隆四年因江南大挑河道丹陽儀徵二處
築壩糧船阻滯奏准將蘇松常鎮太五府州屬
各幫展限一月江廣各幫展限半個月過淮

一糧船過淮限期向按各省程途酌定未分各
府遠近又道路難易因江南下江之松江府與
浙江道路相等湖南涉懸洞庭江西必由鄱陽

不能進行前進各幫到淮均在浙江湖北等省
之後題准將松江湖南江西幫船於過淮原限
外寬限十日

乾隆九年

一各省過淮違限之員例應捆打因部覆之後
運弁在北交糧守掣完呈不能即時發落未定
做其怠玩題准除違限不足十日者仍照例免
其議處外其違限十日應捆打二十者亦仍照
例准其完糧後扣除免議如違限一月及二月
以上者於過淮時該督查明違限日期卽行照

例捆打發落於題案內聲明

乾隆十年

一恭遇

聖駕南巡之年二進三進船隻應於金灣六閘及高橋望亭等處迴避不能依限過淮者於過淮冊內

聲明報部免其查議

乾隆十六年

一漕船到通遲限不及一月者將押運官罰俸三個月領運官罰俸六個月一月以上者押運官罰俸六個月領運官罰俸一年二月以上者押運官罰俸一年領運官降一級畱任三月以

上者押運官降一級畱任領運官降一級調用
於抵通完糧之日將過淮違限日期扣算如過
淮違限十日已經處分者將抵通完糧違限十
日扣出免其處分如抵通完糧違限十日以內
卽查明過淮有無違限如過淮違限十日已免
其處分應一體扣免凡日期多寡照此扣除押
運白糧各官亦照此例議處

一乾隆十八年浙省回空漕船因淮徐發水高
寶一帶水溜難行抵次較遲不能歲內兌開難

副二月過淮之限題准展限一月過淮

一各省運弁過淮違限一月以上部議革職後

卽以掣獲全單繳驗爲憑查明違限議革之員

彙案具題開復

乾隆二十八年

一乾隆四十四年欽奉

諭旨據鄂寶奏江西在後各幫八月二十日外始能抵
通若不預爲籌畫臨時不無局章請飭交倉場侍郎
循照上年之例備集撥船於楊村趕緊起卸抵通交
收以速回空等語已諭令雅德等循照上年之例妥

協辦理矣上年因高家馬頭等處水淺沙淤江廣尾
幫渡黃運滯而運河水勢亦小又須沿途起撥是以
不能依限抵通卽以楊村撥兌轉運本年糧艘渡河
並無阻滯而江南山東一帶運河水勢均極深通且
據鄧寶琚奏稱古淺處所今俱通行無阻等語是江
廣重運應比上年迅速因何復遲至八月二十日外
始得抵通况各省漕船例應依限抵通迅速回空方
無悞冬兌冬開之期乃上年水淺旣不能通行今年
水大又復遲緩是水大水小皆當遲滯將如之何而

後可自係鄂寶辦理不善所致著傳諭鄂寶卽將江西尾幫因何遲滯緣由詳細查明據實迅速覆奏欽此嗣據鄂寶以押運南糧不能迅速抵通請交部嚴加議處奉

旨據鄂寶奏江西尾幫糧船抵通遲滯雖因湖南船隻在前頂阻究係辦理不善所致自請交部嚴加議處等語鄂寶著交部議處其押運之文武各官並著鄂寶查明叅奏交部議處欽此

一乾隆五十五年欽奉

諭旨昨因江廣糧船脫幫遲延已降旨將漕運總督等
及糧道交部嚴加議處矣至本年山東河南江南浙
江船隻行走迅速較之上年抵通日期俱早至數十
日不等固由運河水勢充裕而沿途輓運亦屬奮勉
上年豫東船隻遲悞曾將該管官員等交部議處則
此次抵壩較早之省分亦不可不加之獎勵所有山
東河南江南浙江糧道及督運押運各員并著該督
撫查明咨部議敘其丁舵人等並著酌量加賞以示
朕勸懲並用悉歸公當之至意欽此又奉

旨本年東豫漕糧於三月初十日業經全數起蛟依限
回空比上年較早月餘而南糧各幫亦已銜尾北上
卽可陸續抵通甚爲妥速上年漕運遲悞曾將辦理
漕務各官分別議處此次該總漕等認真催儆全漕
均可迅速回空自宜加以獎勵所有漕運總督巡漕
御史及有漕省分各督撫糧道俱著交部議敘其押
運催漕出力文武各員弁等著該督撫詳悉查明一
併咨部議敘欽此

一乾隆五十九年江南鳳中二幫漕船遲延查

明由淮安幫在前積壓以致不能漫越前進欽
奉

諭旨將首先遲悞之淮安幫弁丁分別記過責懲鳳中
二幫及其餘各幫概行寬免

一乾隆六十年欽奉

諭旨向來各省重運漕船如渡江過淮過黃以及過濟
寧臨清及抵通日期俱令戶部倉場各該督撫將行
走遲早之處與上年比較覈算具奏本年據戶部倉
場江南江西等省各撫奏到漕船渡江渡黃日期連

閏計算俱比上年較遲二十餘日及十餘日不等卽如本日玉德奏南糧首幫上年係正月二十四日入境二月二十三日出境本年係二月十八日入境閏二月十四日出境計算該幫在該省本境行走雖比上年較早三日若以入境日期計算則已比上年較遲二十餘日漕船行走沿途自應加緊催儻俾各依限抵通不致遲悞本年因係閏二月節氣較遲所有漕船渡江渡黃以及抵通日期准其展限半月計算比較外如遇無閏年分仍照舊與無閏之年比較不

得再以有閏之年率混計算以致影射遲延也欽此
一嘉慶二十五年鎮江總運同知常州總運通
判均未親押幫船到淮盤驗經漕督查明到淮
遲延係因守領公款奏請免議奉

旨不准行仍交部議處

一道光四年江淮七幫千總水次兌開遲延湖
南頭二三幫千總過淮盤驗脫空先經奏請摘
去頂帶旋因各該弁一路儼行跟接到通交納
全完回空南下比上年趕早奏准開復頂帶

一道光二十六年欽奉

上諭德誠等奏請將到通遲延之總運交部議處一摺
鎮江總運通判董作楫於所押幫船卸竣回空後運
延四十餘日始行抵通實屬玩視運務著交部議處
欽此

一道光二十八年欽奉

上諭訥爾經額奏籌議南糧赴壩情形一摺現在海運
兌米未能計日完竣河運南糧首幫已抵津關以後
各幫陸續挽入直境均已將次到津若令等待海運

尾撥方准過關恐後進幫船挨次頂阻且本年首幫入直之期比上年已遲六日再有航延致誤歸次限期更於全漕大局有礙所有現抵津關各幫著該督按照舊章隨到隨放所有海運撥船插當行走兩無滯礙卽令稍滋弊混尙可將海運米石暫卸北倉先令漕船北上無誤回空方臻妥協豈有將重運軍船暫免催提之理著倉場侍郎於海運河運兼管並收不得顧此失彼儻軍船因阻止行走以致回空未能依限歸次有誤大局惟該侍郎是問凜之欽此

一道光二十八年欽奉

上諭楊殿邦奏漕船脫空請將押運千總暫行革職一摺安慶前幫千總盛祿後幫千總郭維楨著一併暫行革職勒令將該幫船飛挽速抵通州儘仍不知愧奮有誤交卸卽著從嚴叅辦以儆玩愒而速漕行該部知道欽此

一道光二十八年欽奉

上諭漕糧爲天庾正供節經降旨令有漕各省督撫嚴飭所屬早兌早開剋期渡黃毋稍延誤乃近年重運

漕船不能如期抵壩以致到通歸次兌受新漕節節
耽延總緣各該督撫不肯破除情面實力催償所致
况本年邳宿一帶水漲溜激十字河噴沙淤墊江廣
各幫卽在安陵撥運抵通更形遲滯現已節逾霜降
水勢日消若不趕緊催償及早歸次儻誤新漕受兌
關繫匪輕著漕運總督及沿途各督撫分飭嚴催務
使運橋南下銜尾遄行不准片刻停留庶幾以速補
遲如期歸次來年新漕尤當趕緊辦理按期兌開統
限於四月初十日以前全數償至清江剋期抵壩以

便渡黃北上無許稍有延誤儻豫存遇閏之年時日
較寬一味怠玩視為具文仍致臨時周章有逾例限
定將該漕督及各該督撫嚴行懲處決不寬貸將此
通諭知之欽此

回空例限

一雇募民船兌運抵通起糧騰空令押空官管押南旋倉場填給回空照票經過關津驗票放

行順治四年

一沿河督撫鎮道等官遇回空糧船入境立刻

驅行將入境出境日期報部查覈順治十一年

一回空糧船如後船已過而前船未到者押空

官照例叅處議單舊本

一山東自備船隻例免回空其正副各丁倉場

給與空身限單勒令回次各丁抵次將限單呈
送各衛所查驗如有違限分別責懲仍將限單
填明到次日期彙交糧道查考倘有違悞不到
另詳覈補仍將該丁嚴究如敢沿途生事發覺
該衛門詳報究治畱通旗丁事竣回次如有違
悞一體究治

議單
舊本

一漕船回空到淮總漕將各船照重運過淮例
令押空官先期投驗限單查明各幫應過淮船
隻如有缺少按律治罪其山東河南二省不過

淮者專責糧道稽覈

順治十六年

一漕船到通限十日內回空倉場定立限單責

成押幫官依限到淮沿河各官立催過汛如汛

地官不行立催指名題叅

康熙四年

一河漕總督專管運漕如回空船隻不行力催

以致遲悞又不題叅地方官者降二級留任

議單

舊本

一回空漕船倉場給發限單將經過州縣界址

照原定限日刊入單內令沿河州縣註明出境

入境時日至淮申繳總漕察驗另給抵次限單
亦令沿河州縣註明入境出境時日各船抵次
之限不得出十一月終將限單申繳巡撫查察

康熙五
十一年

一回空遲延之船不能依限到次者應運新糧
總漕查明將該省減存船隻兌運如無減存船
隻於本省漕船搭運或本省船隻不能搭運卽
行捐輸雇船依限兌運開行其阻滯之船於來
年開凍時沿河文武官員飛催迎淮受兌北上

如有不設法雇船依限兌開將在南之糧道監
兌州縣等官題叅議處如係遲滯船隻不能迎
淮受兌有悞北上卽將在北沿河催償回空文
武各官題叅按違限時日分別議處
康熙五
十一年
一各省回空船隻到次舊例具摺奏明康熙五
十八年奉

旨回空船隻於限內到不必具奏限內不到著聲明題
叅欽此

一押運同知通判所押尾幫船糧起卸完日坐

糧廳卽將批迴印發呈送戶部查驗令其押空
南下如該丞倅隨幫官及副丁託故不親管押
回空以致水手生事者照規避例議處如坐糧
廳勒指不發批迴者亦照勒指遲延例議處

康熙

六十
一年

一運弁交糧完日坐糧廳立給完呈限單勒限

一月到淮投驗如有逾限照規避例議處

康熙六十

年

一回空漕船定例各船抵次之限不得出十一

月終乾隆二年因淮揚挑落運河題准將回空糧船趕早一月

一各省回空幫船過淮抵次日期向俱糧道造冊詳請咨部有由巡撫咨報者有由總督咨報者更有巡撫已經咨報總漕復又咨送者似屬繁冗乾隆二十年題准過淮日期冊由總漕咨部抵次日期冊令糧道造報巡撫咨達

一丁船回空不跟幫前進脫空者運弁罰俸半

年

乾隆二年

二領運千總交糧後領到完呈私自回家並不
起幫協同督丁南下又扣畱回空身工飯米併
任匪徒偷竊食米盜賣什物照溺職例革職
乾隆二十四年

一回空糧船偶遇淺阻隨幫並不設法推活以
致到次遲悞者革職
乾隆二十四年

一二進漕船在後之松江白糧等七幫與三進
在前業經攢入北河之寧波前等三幫全行撥
船迎卸以速回空緣距通水路十八里之江家

廠地方有淺灣一道近因水勢漸落祇容回空
軍船一舟南下若令撥船同時北上兩相停避
必致輾轉稽遲該處陸路距通不過數里易於
照料卽轉運入倉亦與壩上露囤之米無異卽
將在前之興武三江淮八兩幫撥船暫在江家
廠水次起卸露囤旣便速於輪撥而軍船得以
晝夜銜尾南下此後各幫撥船仍令以次上壩
一轉移間較爲迅速

乾隆五十年

一道光四年奉

上諭孫玉庭等奏回空漕船全數渡黃一摺本年回
空軍船停待日久節經降旨嚴催茲據該督等將
束清禦黃兩壩大加插展清水暢順於本月初四
日軍船全數渡黃辦理尙屬妥協覽奏欣慰現在
節逾冬至漕船歸次已不爲早該督務須節節催
儻俾銜尾前進趁此天氣融和並未冰凍晝夜兼
行以速補運及早歸次無誤冬兌冬開日期至來
年新運北來尤爲緊要河口一帶如有淤淺處所
必須及早籌疏著孫玉庭張文浩督率河員趕驗

妥辦務令一律通暢勿致臨時再有阻滯致干重
咎又另片奏桃源縣知縣周燾署河標中軍副將
事河右營遊擊惠普恩署遊擊保常太彈壓稽查
晝夜巡防尙屬出力俱著交部議敘巡檢丁桂干
總李萬青把總武勇太外委黃定邦由該督等存
記拔補外丁桂李萬青俱著遇缺儘先補用以示
鼓勵欽此

一浙江紹興前幫千總先因管押幫船未能按
限歸次受兌奏叅革職嗣經漕督委令照料撥

運事務晝夜趕辦出力浙撫奏准開復原官

道光

五年

一道光二十七年欽奉

王諭程喬采奏叅玩悞公事之衛弁等語江蘇鎮江衛
守備嚴鼎上年委催回空漕船節次辦理不善致各
幫進插遲延且據該署撫查明該弁係幫丁出身與
各船舞弊營私聲名狼藉嚴鼎著卽行革職以示懲
儆該部知道欽此

一道光三十年欽奉

上諭上年南河吳城七堡啟閉不能如法以致河湖受淤軍船回空遲滯當將河督楊以增等一併交部嚴加議處經該部分別議以降調革職仍令福濟等將是否不誤歸次情形詳查覆奏茲據奏稱回空軍船現均陸續歸次受兌比較嘉慶十四五年新漕尙可趕辦並將各河挑挖深通俾清水易於攻刷楊以增著加恩改爲降四級留任陸建瀛著加恩改爲降二級留任均不准其抵銷淮揚道查文經著卽照部議革職並照該侍郎等所議工費分別開銷罰賠另片

奏參各員等語所有玩視塘河要工又復遲誤之署
外南營臺北守備張上著卽革職柳示河干以昭儆
戒督催不力之參將呂邦治遊擊安振業均著交部
議處署外南同知海阜同知龔晉於灌塘事宜尙能
慎重無誤其前參暫行革職之案著加恩開復餘著
照所擬辦理該部知道欽此

沿途備借

一嘉慶十一年浙江巡撫清安泰奏浙江幫船
每年例給行月漕截負重等銀四十餘萬兩本
年應扣舊欠並上年

恩借各款共計銀十一萬五千餘兩一年得項扣去四
分之一因此用度不繼沿途揭借私債疊受重
累本年應扣各款若再奏請緩扣輾轉延終
非長計惟有准復向年

恩借之例酌於道庫撥銀八萬兩交該道攜帶沿途察

奏稱于量倉存銀六千五百兩內支還年借在
還照舊一分輸息按出息六個月計算俟收足
息銀八萬兩卽將原本歸還報撥仍以息銀作
本源源出借各款欠項一律扣足之後卽行停
止其從前奏定分扣銀兩仍依限繳還不許拖
欠並嚴行飭禁毋得再借私債違者治罪等因
經戶部議奏覆准

一浙江省嘉慶十五年奏准預借津租令糧道
每年酌撥銀一萬五千兩攜帶赴北隨時查看

情形如有必須借墊之幫專案報部量爲接濟
俟年終覈明借過銀數照數扣還儻有懸久不
清著落經放道員賠補

一浙江各幫糧船前因積欠數多停止

恩借銀兩嘉慶二十年查明該丁等舊欠業已扣清經
浙撫奏准仍照舊例在道庫報撥項下提銀十
萬兩分別借給於下年運費內扣還按出借六
個月計算一分輪息年借年還俟收足息銀十
萬兩卽將原本歸還仍以息銀作本出借以資

調劑

一浙江省借給各幫備帶銀兩原應於津貼項下扣還其無津租之幫應於出運錢糧內扣還嗣緣津租銀兩徵解不齊歷年所借銀兩統於各幫出運錢糧內扣還道光三年借支各幫備帶銀兩除出運之幫於應領錢糧內扣收歸款外其餘各船均派減歇並無出運錢糧各幫之中准將減歇各幫借支備帶銀兩統於道光四年出運錢糧內照數扣收

一浙省幫船道光七年因水淺盤撥又值倒塘
灌放用度較多丁力掣肘咨准在於備帶銀內
借給各幫銀一萬五千兩俟年終在各該幫應
領津租並新運錢糧內照數扣收歸款

一道光三十年欽奉

上諭福濟陸建瀛奏遵旨會同漕臣酌議籌辦新漕章
程一摺另片奏督催回空並河工大挑情形等語均
著照所擬辦理所有江浙幫每船借銀十五兩江廣
幫每船借銀十兩卽於淮關谷報並提淮安府庫共

銀二萬五千六百餘兩按幫分給統由各糧道籌解
還款仍自今冬起在於旗丁應領項下分作兩年扣
還該部知道欽此

沿途凍阻

一浙江處前等九幫在北河凍阻奏准將嘉興府屬漕糧改於四十九年免徵並令已經歸次之嘉屬六幫於今冬代兌凍阻之湖屬六幫漕糧於明春起運至守凍幫船舵水工食每船懇借銀五十兩就近於山東糧道庫動給仍飭浙江糧道動項解東歸欵卽於各丁應領錢糧內分作兩限扣還再杭四杭頭兩幫起米之撥船在楊村一帶凍阻該兩幫起撥正改兌耗並搭

運米五萬九千餘石照北倉暫貯漕糧撥交直

省買補倉糧之例就便分交地方官收領

乾隆四十

九年

一道光三年浙江回空船隻因鎮江口門淤淺

未能進口之杭屬四幫守候較累漕運總督奏

准每船借給銀二十兩共銀三千五百四十兩

在南河道庫照數動借按船給發先在浙江糧

道庫貯閒款內解還仍自道光四年冬起於該

幫新運錢糧內分兩年扣還歸款

一道光五年江西湖南同空各幫因十一月初
旬長河結凍奏准就地住守自天津關迤南起
至景州安陵汛止共守東軍船二百三十一隻
分泊九段飭派營汛弁兵在於河岸搭蓋窩鋪
備齊軍械常川駐守各州縣分撥幹役協同巡
查專派遊擊都司守備等總巡彈壓又有已經
出境行過山東德州復入直隸故城縣河道之
同空船八十四隻分爲三段守東每段派千把
外委一員帶兵十名駐守巡防專派鄭家口遊

擊彈壓所僱短絳悉令給資遣散仍嚴飭各幫
弁妥爲管束如有滋事立即拿究懲辦

欽定戶部漕運全書卷十四目錄

兌運事例

沿途僱運

沿途饋運

一淮北沿河鎮道將領等官均有體重催空之責酒船入境各按汛地立刻驅行毋使停滯如催饋不嚴以致糧船停泊及縱丁登岸生事者聽所在督撫題參

議單
舊本

一糧艘自淮抵通鎮道等官已各分地催饋淮京口一帶乃江浙漕船咽喉多有擁擠康熙元年題定照淮北之例嚴檄沿河鎮道遇糧船入境出境各分汛地催饋倘催饋不嚴以致任意

停泊卽將催價各官并領運官丁指名參處

一漕船自淮安起至天津止計程二千三百五

十餘里沿途州縣專汛各官於衛所重運北上

催令出境如原限半日而違限一時原限一日

而違限兩時原限一日半而違限三時原限兩

日而違限半日原限四日以上而違限一日原

限六日以上而違限一日半原限十二日而違

限兩日者專催官罰俸一年督催上司罰俸半

年如原限半日而違限三時原限一日以上而

違限半日原限兩日以上而違限一日原限四
日以上而違限兩日原限六日以上而違限三
日原限十二日而違限四日者專催官降一級
調用督催上司罰俸一年如違限之期與原限
之期相等專催官降二級調用督催上司降一
級調用如違限之期逾於原限之期專催官革
職督催上司降二級調用其回空漕船如遇逆
流其間設有閘壩蓄水之處俱照重運定期無
閘壩之處原限十二日改限九日原限四日改

限三日原限三日改限二日原限一日半改限
一日又順流有閘壩之處亦照重運定例無閘
壩之處原限半日改爲三時一日改爲半日四
日改爲兩日五日改爲兩日半如有不行力催
以致違限沿途文武官弁并隨幫官俱照催儋
重運例議處至天津以北至通州係逆流重運
糧船每二十里限一日其回空船隻係順流每
五十里限一口山陽以南至浙江其重運糧船
如順流每四十里限一日逆流每二十里限一

日回空船隻如順流每五十里限一日逆流每三十里限一日如有違限催儆領運官員按違限日期俱照前例議處湖廣江西并江浙等處行長江以至儀徵皆有大江因風輓運難以逐程立限該督撫飭該地方文武各官凡重運回空俱作速嚴催出境其自儀徵至天津如有違限俱照前例議處設有非常風阻冰凍淺滯之事難以副限俱令報明免議

一各省漕糧過淮及回空船隻康熙二十二年

欽奉

諭旨令總漕親身往來催償不得貽悞欽此

一瓜洲舊設望樓置立旗杆爲渡江之標準康熙二十六年因年久坍塌題准於高阜處仍立旗杆擇善測風信者專司其事

一京口渡江民間向有捐造救生船隻康熙二十六年題准倣其成式動項官造護生船十隻每歲共給歲修銀九十三兩三錢七分其船分泊兩岸漕船遇風南北兩口船隻並出救護每

船募設善水頭舵十名每名月給工食銀一兩
祇給冬春三個月漕船過完聽其渡載商民自
行覓食或過往客商偶遭風患一體協救毋許
居奇坐視藉端勒掯違者地方官拏究所需工
食修葺各項銀兩准於六升米折頂下支銷

一京口瓜洲相對渡江之處康熙二十六年題
准責令鎮江道董率地方文武各官遇有重運
亟催過渡并令京口總兵官巡視河干一體催
護過江如遇大風督令標兵操舟預備遇有江

金匱要略卷之四
心船隻不能近岸收口者設法挽救三十六年
裁京口總兵其催護漕船改隸副將管理

一漕船受兌開幫巡撫給以限單填明開行日
期飭令沿河州縣挨註入境出境時日抵淮盤
驗將限單呈繳總漕察驗過淮之後總漕亦給
以限單將經過州縣原定限日刊入單內飭令
沿河州縣註明出境入境日期俟糧船抵通將

限單申繳倉場察驗

康熙五
十一年

一各省空重漕船有在淮揚以至蘇松南河遲

延者江南巡撫查取催儼不力并押運領運官
并職名題叅其在淮安以至天津北河遲延者
總漕倉場行文該省巡撫查取專催督催不力
各官并并押運官并職名題叅

康熙五
十一年

一各省漕船進瓜洲儀徵河口至三岔河時凡
有一幫到齊卽催儼先行過淮如有前幫船隻
不全總漕委員督令後幫全到之船越過先行
其有停阻河道爭相漫越者嚴行約束糧道嚴
催尾押過淮如有不依限兌運催儼過淮以致

遲悞將糧道監兌押運催償各官查明題叅照

例處分

康熙五
十一年

一漕船至臨清德州等處河水淺阻山東巡撫
揀派賢能官員自濟寧隨押督催遇淺刨挖催
出山東地界將屢次出界日期奏報如催償不

力照例題叅

康熙五
十四年

一空重漕船一入境汎文武印河各官率領兵
役親往催償出境毋許停畱生事倘有丁舵水
手生事爲匪專管各官並不親往河干彈壓協

拏照溺職例處分兼轄道府廳員副叅遊守等

官照失察例議處

康熙六十一年

一山東壽張營守備移駐張秋鎮自張秋至七級開責令催償其魏家灣戴家廟仍責該管把

總專催

雍正二年

一山東河南糧船過天津日期照南漕三日一

報

雍正三年

一漕船遇風水平順地方官遵照原限催償出

境不得遲悞若遇風色不順并水勢漫大與押

運官弁公同計議暫停守候於入境出境冊內
註明如捏稱風色未便停泊逗遛者總漕該督
撫查叅地方官及押運官弁均照捏報兌開例

降二級調用

雍正五年

一催漕船隻接汛成造每隻給銀三十七兩六
錢三分三釐於稅課銀內動支又另於茶果銀
內每歲支給小修銀二兩十年期滿照例另造

雍正五年

一北河壽張東昌等處向無專駐大員巡查不

密雍正七年奏准遴委專員駐劄各按河汛往來催償其臨清磚板二閘卽令臨清副將催償巡查如不實心催償以致空重漕船停泊耽延者卽行指叅

一漕船過淮之後經過皂河濟寧臨清三處例係總河題報雍正七年山東河南添設總河所有重運糧船過濟過臨聽河東總河題報其過皂河日期仍令江南總河題報

一官員催償漕船自進三岔河分幫過淮之後

無故容後幫之船前行前幫之船後行者罰俸
一年漕船入境日期該管官不查明轉報者罰
俸六個月

議單
舊本

一重運漕船經過地方倘遇天旱水淺不能過
行總漕總河一面奏明一面飭地方官預備民
船撥運將撥過幫丁姓名船米貨物數目并給
過船價呈報督撫漕河諸臣及巡漕御史備案
其雇價官爲酌定給發如有剋扣多索卽行究

治
乾隆
四年

一向例糧船抵汛投遞花名文冊不惟無益且多冗費乾隆四年題准裁減令運官預將出運船數呈明總漕轉發經過各汛如有風火事故令頭船知會汛兵該汛兵弁候船入汛隨即查點放行倘有勒索遲延等弊即將弁兵一併查明究叅

一黃河水勢奔騰風濤不測設立救生船二隻每隻給造價銀一百八十兩令六省出運丁船按數驗派捐給每船舵水十名每名月給工食

銀一兩每年於正二二三三個月保護漕船濟運
護漕之後聽其自行渡載覓食不給工食其船
三年一次歲修所需每年舵水工食及歲修銀
兩令江安蘇松二糧道於六升米折項下各半
支給十年拆造每船給工料銀一百兩仍在六
省出運軍船行贈銀兩內派給

乾隆五年

一漕船渡黃須用小船保護此項船隻原係民
船漕船經過遇有意外事故雇其裝載米貨往
往乘機遠颺運丁不能追尋乾隆五年題准令

州縣查明船戶姓名取具地隣甘結給以腰牌
填明水手年貌住址船身兩傍編列號數設遇
風起亦許協救俟交還糧貨該丁船量予雇價
倘有乘機撈搶違遁之事查拏究治

一山東糧船原不過淮開幫日期祇報總漕至
總河及巡漕御史委員查催種種支延無從稽
考乾隆七年題定受兌之後該運官卽行呈報
總河及巡漕御史查考催行

一運官脫幫遲悞定例降二級戴罪督運向無

完糧開復之條但其情罪較之過淮違限尤輕
乾隆八年題准脫幫遲悞降級督運之員如題
叅未經部議以前有完糧報部者准其扣除免
議已經題結者照過淮違限例總漕於完糧後
題請開復

一通州河郝家鋪以南溫家莊以北計河程二
十里從前未經議及文職管汛催餉乾隆九年
咨准交與通州州同管理一切空重漕船責令
會同武弁協力催餉

一揚州三岔河係漕船總匯例派標員分幫彈壓幫到投文分派因投文恐致需索乾隆十年酌定每年辦理新漕飭糧道轉飭押運丞俾將幫船數目開具清摺就近徑移三岔河分幫之員船抵河口運弁遞送花名清單註明前跟後接及進口日期將投文裁減

一各汛催漕千總有喜作威福勒令多加短絳及緯夫居奇暗串汛兵擡價分肥之弊乾隆十年題准漕船應添緯夫著運弁旗丁自募不得

概令多添如短絳人夫勒索運丁各汎千總查
拏巡漕衙門懲治汎弁查拏不力及故行捆打
旗丁勒加絳夫及絳夫暗串兵役朋比分肥者
照縱役例議處其漕船入汎運丁不遵催儼無
故停畱該汎會同運弁責處

一各省武職各官二年半例應舉劾一次總漕
衙門舉劾標員之外又有各省催漕武職二年
舉劾之例嗣因文職薦舉吏部久經停止武職
亦應畫一辦理乾隆十一年奏准各省催漕之

員應歸本省舉劾總漕衙門永行停止

一直隸河西楊村二驛河窄水逆遇有銅船木筏聽與漕船並進不得攔阻勒讓其二驛以南

一帶運河仍照例讓行毋得藉端爭阻

乾隆十三年

一楊柳青一驛與楊村接界河窄流逆遇有銅船木筏到境照河西楊村二驛一體辦理

乾隆十五年

一各省隨幫如有赴京會試并回籍治喪俱於運前呈明或於運竣請假如中途實係患病前

後幫弁同地方官驗明出結方准給假支過廩
工按口追繳如有託故假捏等弊卽行題叅

乾隆十五年

一各營汛催漕弁兵如遇漕船入境不顧風信
險急因索詐未遂涸行催儻以致折損者立卽

叅究

乾隆十六年

一各省重運漕船每遇水淺沿途起撥所雇撥
船串合偷漏皆緣向未定有處分以致弁兵漫
不經心乾隆十七年奏准嗣後令撥船跟隨大

幫不得自行駕運該弁丁及沿途文武官弁嚴行稽查倘有偷漏照軍船一體處分

一舊例各省出運糧船數目造送殊不畫一乾隆二十年題准俱照浙江之例令各糧道於幫船起運時造冊呈送總漕總漕於題報開幫日期案內揭送部科倉場查覈糧船到通投驗全單自可按冊稽查毋庸重咨部科其向有糧道自行造送并押運員弁到通所造各冊概行刪除

一舊例各省起運漕白幫船數目四次題報過
淮業已造冊送部及倉場查覈乾隆二十年題
准令各糧道於起運時造報巡撫轉送部科倉
場是倉場衙門已有兩次冊籍可查其向來復
令各糧道造冊詳咨似屬重複應行免造

一重運幫船自淮抵通總漕每幫給限單一張
赴通呈繳至回空時倉場亦每幫給限單一張
到淮繳驗總漕又每幫給限單一張歸次查驗
其自次至淮江西湖南湖北幫船亦每幫給限

單一張惟江安江蘇浙江三處巡撫逐船給限
單一張到淮呈驗實屬繁冗乾隆二十年題准
江安江蘇浙江亦照江廣之例每幫給限單一
張以歸簡易

一各省重運幫船經由營汛向令運官將船數
開明揭送總漕轉發各汛俟幫船經過查點放
行但每年各省出運糧船約有一百三十餘幫
經過沿途營汛一百數十處以每幫抄發一百
數十摺合而計之累萬盈千徒滋煩擾乾隆二

十年題准免其開送

一北河催漕快船向係六十隻每歲每船給小修銀二兩嗣因修造銀兩不敷請裁減船二十八隻存留船三十二隻將裁船節省銀兩以爲加添各船歲修之用

乾隆二十二年

一糧船被竊旗丁報明運弁移知該地方官緝賊追贓被竊之船卽隨幫行不必守候至強劫重案必須候驗印官具報會勘畢州縣立給印

票催償前行

乾隆二十三年

一江西各船抵儀徵各閘水身甚淺令南昌各幫悉由瓜洲入口如遇江浙漕船讓幫挨進毋

許搶先滋事

乾隆二十四年

一乾隆二十四年欽奉

諭旨各省糧艘北上如遇過閘過壩及急溜淺阻雇募
練夫聽運弁自行酌辦如有兵丁藉端抑勒以老弱
充數而橫索雇值者卽時查拏究治並將失察之該
管將弁題叅議處欽此

一直隸安陵汛起至天津關止計程五百七十

八里重運北上每日限行五十八里如遇守風

淺阻隨時報明倘無故違悞卽行叅處

乾隆二十五年

一撥運薊易等處漕船倉場侍郎直隸總督卽

就近委員稽查營汛沿途催儻如遇阻滯實緣

人力難施據實查報倘有浮捏情弊立即指名

題叅

乾隆二十五年

一南省漕船俱於清河渡黃由楊莊口門入運

該地方向有捕魚小船應令清河縣知縣開具

姓名造冊編號責令管河縣丞河標把總經管

約束遇有糧船失風卽令各駕小船先行救米
次行救貨旗丁出給飯錢如有乘機搶掠之事
將該縣丞把總查叅照約束不嚴例降一級調
用其搶貨各犯照白晝搶奪例問擬乾隆二十五年
一板閘臨清天津三關向給漕船限單乾隆二
十六年奏准各關惟司徵稅並無催酒之責應
將三關限單永行裁革

一漕船自清江浦至韓莊閘等處雇覓短絳如
有棍徒勒價聚衆攢毆等事卽令押運員弁嚴

拏交地方官審實將爲首之犯及下手傷人之
犯俱問邊衛充軍餘俱問擬滿徒加枷號兩個
月於河干示衆其地方文武官自行查拏免議
如不能稽查彈壓經該督撫查叅均照約束不
嚴例降一級調用至丁舵人等雇覓短絳不照
定價給發以致滋事押運員弁不能查出應照
失於查察例罰俸一年

乾隆二十九年

一糧船雇用短絳自惠濟閘至蘆莊計程三百
八十餘里每夫每里給制錢一文半共給錢五

百八十文自臺莊至韓莊計程八十里每夫每

里給制錢三文共給錢二百四十文

乾隆三十年

一北河楊村至通州糧船雇用短絳每夫每里

給錢二文令通州香河武清天津等縣於糧艘

一過津關卽行出示曉諭並差幹役晝夜巡查

以杜勒索等弊如遇天雨路渾絳夫短少之時

仍聽弁丁等自行酌量加增每里以四文爲斷

倘地方官漫不經心以致絳夫強索勒捐卽查

取職名送部查議如丁民相安而抵壘遲延藉

稱緯夫短少卽將該幫運弁照例參處

乾隆三
十年

一鎮江京口地方向例每年督臣提臣各委標
下候補守備一員駐鎮催漕往往自作威福任
意催行多有未便乾隆三十一年奏准嗣後督
提二臣不必派委候補守備卽於鎮江文武各
官內揀派一員令其就近催攢

一官員催攢漕船無故容後幫之船前行前幫
之船後行者其沿河地方係有佐雜等官專管
將專管佐雜等官及專派官罰俸九個月兼管

之州縣官罰俸六個月如該地方並無佐雜專
管係州縣自行催償卽將州縣官罰俸九個月
其漕船入境日期該管官不行查明轉報者罰
俸六個月至前途州縣不行力催有礙後船者
後次州縣及後汛之員申報倉場查明催償不
力之員題叅議處如不親身赴河催償併坐視
前船阻抵不行申報者亦照催償不力之例議
處

一江西湖廣二省幫船到瓜洲儀徵河口至三

岔河時務照定例如有前幫船隻不全卽令後幫全到之船越過先行毋令其停篙守候致違

淮限

乾隆三十八年

一運官領運漕船脫幫一二日者雖因風阻修船但不嚴督運丁跟幫前進亦屬不合應照例降二級戴罪督運如有沿途脫幫三日以外迨後又不趕幫前進以致抵壩脫空五日之久卽將該運弁照溺職例革職押運通判照不行稽

查致悞漕務例降一級畱任

乾隆三十八年

一漕船過境沿河各州縣粘貼印花如有先期查照上站出境時日覈計本境限期預行填給以致日時不符者照違令公罪例罰俸九個月又沿河州縣於本境兩頭出入之所選派親信家人一名書役二名給與印花每幫頭船入境尾幫出境卽在印花內確填時日該州縣率同汛員稽查催償將填過印花按次摺報該管各衙門查考其從前運弁持單赴署粘印並預填時日之處永行禁止仍嚴禁書役人等不得藉

端滋擾如有需索抑勒等弊該督撫等立即查

拏從重治罪該管官一併嚴辦究處

乾隆三十八年

一漕船如有前幫實係失風沉溺搶救需時者

卽令後幫漫越先行其本幫仍飭上緊岸救插

幫償行毋許託故逗遛致逾例限該運弁仍一

面將越幫插幫各緣由報該管衙門查覈其餘

並無事故或偶遇阻風淺擱之船仍照例挨次

通行如有藉詞搶越情事卽將該員弁據實查

奏

乾隆三十九年

一江廣上江重運船隻如遇儀河水小卽報明
總漕改由瓜洲進口一面咨明戶部至回空船
隻如遇儀河水小亦卽改由瓜洲出口一例咨

明乾隆四
十年

一湖北糧船至瓜儀內河因浙幫糧船尙未跟
舢或因風阻楚船先行駕越過淮在於清江關
上千根旗杆及雙荆關等處河身寬闊地方停
讓俟浙幫進完後卽依次尾隨北上

乾隆四
十年

一糧船不准越次先行係指過淮以後而言至

過江以後過淮以前並無不淮越次先行之例
嗣後湖北漕船已入儀徵河口抵三岔河時如
浙江幫船尙未全到卽令湖北幫船越次先行
其他省幫船有由儀徵至三岔河者照此一例

辦理

乾隆四十年

一漕船經過臨清州境內河道原限三日成例
緣本年奉辦臨磚三十萬塊分作二年搭解若
照原定三日之例不免遲延日時咨請展限二
日糧船到境裝磚不致逾限

乾隆四十二年

一臨清州辦造上年駁補及續辦磚共十萬九

百八十七塊由糧船裝運赴通循照前例展限

一日庶糧船裝磚不致逾限

乾隆四十四年

一浙江漕船開兌已遲仍令催償過淮抵通如

再遲緩卽行叅究嗣後漕船重運回空著令沿

河督撫及河道漕運總督專派道府大員或丞

倅將備等官親駐河干實力催償仍照定限回

次受兌應領銀兩置備各項於抵次之先預爲

籌備其有漕各省均照此一律辦理

乾隆四十六年

一豫省儀工漫口下注東境以致濟寧迤南之
南陽夏鎮一帶緯道淹沒河湖相連非西北順
風不能行走韓莊八閘雖間有緯道而金門漕
急糧船倒放須由月河行走臺莊以南至邳州
一帶亦無緯路恐各幫過濟阻滯應派員弁分
段查催設立引緯小船插立標記一得西北順
風自可迅速續行渡黃抵次

乾隆四十六年

一東省趙村南陽一帶行抵夏鎮計程一百九
十餘里內鮎魚淺至夏鎮三十里尚有隄岸餘

皆坡水河湖匯成一片極目汪洋並無緯道回
空船隻時近嚴寒恐致凍阻設法催僭卽風色
微有不順亦令拋錨交關搖櫓撐篙跟接前進

乾隆四
十六年

一湖南回空漕船派委通判馳赴江南一帶迎
催迅速抵次受兌新漕設出江稽遲致逾冬兌

之期與湖北省妥商籌辦不致悞遲

乾隆四十七年

一東省緯道工程現在分頭趕辦其湖河相連
之處緣兩岸堤頂水深三四五尺不等糧船經

臨恐遇頂風難以依傍奏明湖河兩岸分路插
標酌量行走仍聽其察視風色擇便前進派委
道府副叅大員分段小心護送總河會同總漕
親身照料

乾隆四十七年

一江都甘泉二縣運河水勢較淺急需挑浚現
在淤壩興工漕船停泊俟啟壩開行係屬因公
應於催償限內扣除

乾隆四十七年

一乾隆四十八年奉

上諭毓奇奏通漕回空尾幫已於八月二十八日儘數

四十九年